



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 414
e – mail: info@voda.ba

Broj: **UP-I/25-2-40-314-4/21**

Datum: **01.10.2021. god.**

«Agencija za vodno područje rijeke Save» Sarajevo rješavajući po zahtjevu pravnog lica „EL TARIK OIL BENZINSKE STANICE“ d.o.o. Sarajevo za donošenje rješenja o vodnoj saglasnosti za ispuštanje tehnoloških otpadnih voda sa lokacije objekata samouslužne autopraonice, koja se planira graditi u Goraždu, u blizini postojeće benzinske stanice, na osnovu člana 139. stav (1) tačka 3., a u vezi sa članom 114. Zakona o vodama („Sl.novine Federacije BiH“ broj: 70/06) i članom 200. stav (1) Zakona o upravnom postupku („Sl.novine Federacije BiH“ broj: 2/98 i 49/99), **donosi**

RJEŠENJE **o vodnoj saglasnosti**

1. Daje se vodna saglasnost pravnom licu „EL TARIK OIL BENZINSKE STANICE“ d.o.o. Sarajevo za ispuštanje tehnoloških otpadnih voda lokacije objekata samouslužne autopraonice koja se planira graditi na zemljištu označenom kao k.č. broj: 3709 K.O Goražde I, Grad Goražde, u skladu sa projektnom dokumentacijom:
 - Glavni projekat – hidroinstalacije, samouslužna autopraonica u ul. 31. Drinske udarne brigade u Goražde, urađen od strane „Smajić-Inžinjeri“ d.o.o Goražde, broj: 322-GPH-21 april 2021. godine.Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.
2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Ova vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
4. Vodna saglasnost se donosi na osnovu utvrđenog činjeničnog stanja i pregleda projektne dokumentacije iz tačke 1. dispozitiva ovog Rješenja, koja se ovjerena vraća podnosiocu zahtjeva na trajno čuvanje i čini sastavni dio ovog Rješenja, a ista će se koristiti u postupku pribavljanja odobrenja za građenje. Vodna saglasnost se donosi pod slijedećim uslovima:
 - 4.1. Radove na izgradnji sistema za prikupljanje, tretman i ispuštanje otpadnih voda sa lokacije samouslužne autopraonice izvesti u skladu sa projektnom dokumentacijom iz tačke 1. dispozitiva ovog Rješenja.
 - 4.2. Način ugradnje separatora i stavljanje istog u pogon uskladiti sa proizvođačem opreme u svim fazama.
 - 4.3. Na odvodnom cjevovodu, neposredno iza separatora, izvesti posebno reviziono okno koje će služiti kao okno za uzimanje uzoraka (monitoring okno).
 - 4.4. U toku radova iskopani materijal se ne smije ni privremeno odlagati na česticu „vodno dobro“, odnosno u vodotoke i na njegove obale.
 - 4.5. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim, kao i postojeće korisnike voda.
 - 4.6. Podnosilac zahtjeva je obavezan ispoštovati uslove iz Rješenja o urbanističkoj saglasnosti donesenog od strane Službe za prostorno uređenje, stambeno-komunalne poslove i raseljena lica, broj: 04-5-23-2-1834/19 od 16.12.2020. godine.
5. Ukoliko se u toku izvođenja radova i korištenja predmetnog objekta prouzrokuje štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.

6. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl. novine FBiH“ broj: 31/15, 55/19 i 41/20).
7. Ova vodna saglasnost prestaje važiti istekom roka od dvije godine od dana pravosnažnosti rješenja, ukoliko u tom periodu ne bude pribavljeno odobrenje za građenje i započeta izgradnja u skladu sa glavnim projektom iz tačke 1. dispozitiva ovog rješenja..
8. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „EL TARIK OIL BENZINSKE STANICE“ d.o.o. Sarajevo se pismenim putem obratio ovoj Agenciji sa zahtjevom za donošenje rješenja o vodnoj saglasnosti za ispuštanje tehnoloških otpadnih voda lokacije objekata samouslužne autopraonice koja se planira graditi na zemljištu označenom kao k.č. broj: 3709 K.O Goražde I, Grad Goražde.

U prilogu zahtjeva podnosilac je do stavio slijedeću dokumentaciju:

A/ Opšta dokumentacija:

- Ovjerena kopija rješenja o registraciji u sudski registar Općinskog suda u Sarajevu, „EL TARIK OIL BENZINSKE STANICE“ d.o.o. Sarajevo broj: 065-0-RegZ-19-005207 od 07.06.2021. godine;
- Ovjerena kopija Uvjerjenja o poreznoj registraciji, doneseno od strane Porezne uprave – Kantonalni ured Sarajevo, dana 25.09.2002. godine;
- Rješenje o urbanističkoj saglasnosti broj: 04-5-23-2-1834/19 od 16.12.2020. godine doneseno od Službe za prostorno uređenje, stambeno-komunalne poslove i raseljena lica Grad Goražde,
- Kopija katastarskog plana 1:1000, izdat od strane Službe za geodetske, imovinsko-pravne poslove i katastar nekretnina, Grad Goražde, 23.09.2019. godine;
- Punomoć broj 12/07/21 AVPRS za zastupnika (Almir Bilajac) izdata 12.07.2020. od strane „EL TARIK OIL BENZINSKE STANICE“ d.o.o. Sarajevo;
- Kopija Rješenja o prethodnoj vodnoj saglasnosti UP-I/25-1-40-245-3/20 od 15.07.2020. godine doneseno od strane «Agencije za vodno područje rijeke Save» Sarajevo;
- Dokaz o uplaćenju upravnoj taksi.

B/ Tehnička dokumentacija:

- Glavni projekat – hidroinstalacije, samouslužna autopraonica u ul. 31. Drinske udarne brigade u Goražde, urađen od strane „Smajić-Inžinjeri“ d.o.o Goražde, broj: 322-GPH-21 april 2021. godine;
- Glavni projekat autopraonica u ul. 31. Drinske udarne brigade u Goražde, urađen od strane „Smajić-Inžinjeri“ d.o.o Goražde, broj: 276-GPH-21 april 2021. godine;
- Konačni izvještaj o reviziji projektne dokumentacije broj: V-14-05/21 od 26.05.2021. godine, Atrijus projekt d.o.o. Živinice;
- Revizija Glavnog projekta, Mješovita zadruga;
- Elaborat zaštite od požara uz glavni projekat samouslužne autopraonice, Maher d.o.o. Sarajevo.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Nakon uvida u dostavljenu projektnu dokumentaciju utvrđeno je:

Provođenje aktivnosti na izgradnji predmetnog objekta usklađeno je sa planskim dokumentima (izdato Rješenje o urbanističkoj saglasnosti) i nije u koliziji sa interesima sektora voda, niti u prostoru zona sanitarne zaštite izvorišta vode za piće.

Osnovna namjena ovoga objekta je pranje putničkih automobila. Objekat je prizemni i slobodnostojeći sa dva boksa namijenjena za pranje putničkih automobila i prostorom za smještaj potrebne opreme. Prilikom pranja putničkih vozila nastaju tehnološke otpadne vode.

Tehnološke otpadne vode se prikupljaju sistemom slivnika sa rešetkom i taložnikom te odvođe do tipskog separatora, a zatim se prečišćene vode preko okna za monitoring ispuštaju u zacjevljeni potok.

Projektna dokumentacija, dostavljena uz zahtjev, urađena je od strane pravnog lica „Smajić-Inženjering“ d.o.o Goražde, koje ima Ovlaštenje izdato od strane Federalnog ministarstva poljoprivrede, vodoprivrede i šumarstva (sa liste „A“).

Projektna dokumentacija urađena je u skladu sa uslovima iz Rješenja o prethodnoj vodnoj saglasnosti donesenog od strane Agencije za vodno područje rijeke Save, broj: UP-I/25-1-40-245-3/20 od 15.07.2020. godine, te je shodno članu 114. Zakona o vodama upisivanjem broja i stavljanjem otiska pečata Agencije za vodno područje rijeke Save data saglasnost na projektnu dokumentaciju: Glavni projekat – hidroinstalacije, samouslužna autopraonica u ul. 31. Drinske udarne brigade u Goražde, urađen od strane „Smajić-Inženjering“ d.o.o Goražde, broj: 322-GPH-21 april 2021. godine.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog Rješenja, propisani uslovi u skladu sa odredbama člana 114. Zakona o vodama i člana 7. Pravilnika o sadržaju, obliku, uvjetima načinu izdavanja i čuvanja vodnih akata, koje je potrebno ispuniti prilikom izvođenja predmetnih radova.

Podnosilac zahtjeva je uplatio upravnu taksu u iznosu 60,00 KM u skladu sa članom 7. stav 1. Tarifni broj 43. Zakona o federalnim upravnim taksama („Sl.novine FBiH“ broj: 6/98, 9/08, 45/10 i 43/13).

Uputa o pravnom lijeku:

Protiv ovog rješenja može se uložiti posebna žalba Federalnom ministarstvu poljoprivrede, vodoprivrede i šumarstva Sarajevo u roku od 15 dana od dana prijema ovog rješenja.

Žalba se podnosi Agenciji za vodno područje rijeke Save (ul. Hamdije Čemerlića 39.a Sarajevo), neposredno pismeno, usmeno na zapisnik ili preporučeno putem pošte. Žalba se taksira sa 15 KM federalnih taksi po Tar. br. 3. tarife federalnih administrativnih taksi.

Voditelj postupka:

Nihad Pezo, dipl.inž.građ.

Prilog:

Tehnička dokumentacija navedena po tačkom B. obrazloženja.

**Po ovlaštenju
Rukovodilac sektora za izdavanje
vodnih akata**



Hans Ališehović, dipl.inž.građ.

Dostaviti:

- EL TARIK OIL BENZINSKE STANICE d.o.o. Sarajevo, Čamila Sijerica 26, 71000 Sarajevo (PRILOG)
- ⊙ AVP Sava, ISV-vodna knjiga – ovdje;
- Arhiva – ovdje;
- AVP Sava – Oglasna ploča